

এবার রাবির হবিবুর হলের অনাবাসিক শিক্ষার্থীদের হল ছাড়ার নির্দেশ

রাবি প্রতিনিধি

০৩ অক্টোবর ২০২৩, ০৩:১৭ পিএম



সংগৃহীত ছবি

এবার রাজশাহী বিশ্ববিদ্যালয়ের শহীদ হবিবুর রহমান হলের অনাবাসিক শিক্ষার্থীদের হল ত্যাগের নির্দেশ দেওয়া হয়েছে। আজ মঙ্গলবার হলের প্রাধ্যক্ষ অধ্যাপক ড. শরিফুল ইসলাম স্বাক্ষরিত এক বিজ্ঞপ্তিতে বিষয়টি জানানো হয়।

বিজ্ঞপ্তিতে বলা হয়, শহীদ হবিবুর রহমান হলে অবস্থানরত অনাবাসিক, বহিরাগত শিক্ষার্থী ও যে সকল আবাসিক শিক্ষার্থীর মাস্টার্স পরীক্ষা ইতিমধ্যে শেষ হয়েছে, তাদেরকে আগামী ২০ অক্টোবরের মধ্যে হল ত্যাগের নির্দেশ প্রদান করা হলো।

এর আগে গত ২৮ সেপ্টেম্বর রাবির শহীদ জিয়াউর রহমান হলের অনাবাসিক শিক্ষার্থীদের সিট ছাড়ার নির্দেশ দিয়েছিল হল প্রশাসন।

এ পর্যন্ত কতজন অনাবাসিক শিক্ষার্থী সিট ছেড়ে চলে গেছেন জানতে চাইলে শহীদ জিয়াউর রহমান হলের প্রাধ্যক্ষ ড. সুজন সেন বলেন,

‘আমি একটু অসুস্থ। এজন্য ওই বিষয়টার তদারকি করতে পারিনি। কতজন সিট ছেড়েছে, সে বিষয়ে এখন বলতে পারছি না। আমরা শিগগিরই বসে এ বিষয়ে ব্যবস্থা নেব, তখন সংখ্যাটা বলতে পারব।’